

Минг ойдан афзал «қадр кечасини» ғанимат билайлик!



12:00 / 13.05.2020 1891

Бугун 13 май Чоршанба куни шом намозидан кейин Рамазон ойининг охирги ўн кунлигининг тоқ кечаси (21-кеча) бошланади.

Оиша розияллоху анҳодан ривоят қилинган ҳадисда Расулуллоҳ соллаллоху алайҳи васаллам: «**Қадр кечасини Рамазоннинг охирги ўн кечасининг тоқ (кеча)ларидан изланглар**» деганлар.

Имом Бухорий ва Имом Муслим ривоятлари.

Рамазон ойининг охирги тоқ кечалари - йигирма биринчи, йигирма учинчи, йигирма бешинчи, йигирма еттинчи ва йигирма тўққизинчи кечаларидир. Ушбу муборак кечалар Лайлатул қадрни топиш учун қулай фурсатдир.

Шундай экан, минг ойдан афзал ушбу кечани ғанимат билиб, уни тоат-ибодат билан ўтказишга ғайрат қилайлик.

Ўзбекистон мусулмонлари идораси

Фатво ҳайъати